

畿輔通志

第拾叁函

畿輔通志卷一百五十二

略一百七 金石十五

趙州下 柏鄉 隆平 高邑 臨城 甯晉 深州 武強 饒

陽 安平 定州上

趙州下

金

重建文宣王廟記

正書在州學大成殿丹墀左階下立於金太宗末年即宋

高宗紹興四年歲次甲寅共凡二十行字徑寸篆額長四

寸寬三寸

趙州石刻錄

天會十二年賈葵撰焦擬書趙州

碑目 畿輔

謹案賈葵焦擬皆不可考金史傳有焦旭趙州柏鄉人此碑焦擬題銜稱鄉貢進士或其同族又大定時有賈

益謙者沃州人葵撰此文有僕嘗從事於茲語似曾官此土者其爲沃州之賈與否皆不敢臆斷又案金史地理志沃州宋慶源府天會七年改爲趙州天德三年更爲沃州此刻在天會十二年故篆額題名等皆仍稱爲趙州也又案解州宋爲解州防禦建炎以來陷於金見馬端臨輿地考金史志稱國初置解梁郡軍後廢爲刺郡立石時距建炎初元僅八年蓋解梁郡軍改未久仍復舊稱也又案百官志稱守令等散官高於職事者帶行字品同者則否又載諸縣令從七品尙書省郎中正五品今賈葵官朝散大夫尙書職方郎中知解州聞喜縣事是散官高於職事二品乃不帶行字可知史專載一時制度其實未必一律也碑文稱刺史大將軍韓公

不可考趙君少卿以皇統三年重修學記案之當卽所謂權子鴻臚少卿趙公維甫者然皆不見史傳碑末有監修同知趙州軍州事吳實同監修軍事判官宋仝管勾都孔目官趙恭等題名金百官志載同知通判州事判官簽判州事皆屬州刺史都孔目一官大興府尹屬有之諸防刺州屬下皆不載據此可補史志之闕

興義軍節度使完顏概等題名

在橋北洞北壁天會係金熙宗卽位之二年卽宋高宗紹

興六年

趙州石刻錄

謹案此刻回謝大齊國信使興義軍節度使完顏概副使遊騎將軍知上東門門使劉君詔天會十四年十一月二十八日過此四十五字字全存無泐處案興義軍

節度與遊騎將軍金史地理百官兩志皆漏載宜徽院
屬有東上閣門使正五品趙州石刻錄載此全文稱東
上門門使誤蓋泐文也完顏概劉君詔皆未登列傳本
紀稱金始祖據有完顏部遂爲完顏氏概殆其宗族國
語解完顏漢姓曰王又案熙宗紀天會十四年十月甲
寅以蕭仲恭爲齊豫回謝并生日正旦使與此年月正
符而使人姓名迥然各別但此爲當時親題史乃後來
追述當以此爲確又按照熙宗嗣位第四年始改元故稱
天會十四年

重修州學記

行書在州學大成殿丹墀右墻下立於金熙宗卽位後九
年卽宋高宗紹興十三年歲次癸亥共凡二十行字徑九

分篆額字長五寸寬四寸

趙州石刻錄

謹案石刻錄載此碑文其略云天會甲寅權守趙公維甫卽其舊址乃能肇新廟像又云奉政大夫任公百祥來侔是郡以爲有廟無學何以作養人才於是輟已清俸委倉監欒公翊專一經口遂增峻兩廡而翼其左右又云皇統三年五月二十日鄉貢進士馬驤謹口鄉貢進士李庭臣書據此則修廟者爲趙維甫卽前碑所謂趙君少卿也脩學者爲任百祥經修者爲欒翊與書碑人李庭臣皆金史所不載惟有馬驤傳爲禹城人馬驤貞祐間官於趙時地不合蓋非此馬驤也倉監欒翊後題名作忠顯校尉倉草場都監又有忠武校尉倉草場都監忠顯校尉神威指揮使平棘縣主簿兼縣尉從事

郎知律司候判官承事郎守司候參軍等官題名金百
官志載忠顯忠武爲武散官七品階又防刺州屬下皆
不載倉草場都監及指揮使等官惟諸倉使草場使條
下註有防刺仍舊置都監一員之語諸節鎮府鎮屬有
都指揮使防刺屬有軍轄掌同都軍疑卽指揮使也神
威指揮使不可考都元帥府條下云正隆六年海陵南
伐將三十二總管有神策神威等稱他職則無之蓋金
初設神威指揮使而正隆沿之以爲總管之號耳三者
皆可補史志闕漏又云不滿三千戶爲下縣不置尉以
主簿兼之此碑稱平棘主簿兼尉蓋平棘其時列在下
縣知律一官志亦不載防刺州屬有知法一員掌律令
格式殆卽此志止載司候司判無所謂判官參軍者或

當時有此稱史略之也又案志稱散官高於職事者帶
行字職事高於散官者帶守字而尙書吏部詳載品級
承事郎正八品司候正九品此以承事郎爲司候參軍
是散官高於職事乃不曰行而曰守亦可見史志之不
足據

李德固題名

此大石橋下之石柱在州學大成殿神厨前西柱下考天

德殘石以辛未紀乃金主亮卽位後二年

趙州石刻錄

謹案此刻其四行行首皆有泐字辭語不復貫串案其
殘句知石刻者爲李德固以天德元年爲汴京行臺平
章尙書省事過此後以罷省改官口平總管天德三年
再過泐石題紀李德固金史無傳惟海陵本紀天德四

年有以咸平尹李德固爲平章政事語與此所謂天德三年爲口平府總管時事皆同卽其人也口平府上泐爲咸字無疑金地理志咸平路遼威州天德二年八月升爲咸平府後爲總管府李德固以三年春爲咸平總管蓋升府後旋改總管也又案金百官志都總管與府尹官職不同乃此稱爲咸平府總管本紀則稱咸平尹可證其謬又案熙宗本紀皇統九年十二月己酉朔海陵本紀是月己未改元爲天德元年以朔日己酉推之則己未當是十一日此稱李德固以是月二十一日爲汴京平章行臺省事蓋亦預謀廢立因之得官者又案本紀天德二年十二月罷行臺尙書省與此文稱辛未仲春因罷省迴歸過趙時事亦符金百官志尙書省平

章政事二員屬尙書令天眷三年復置行臺尙書省於
汴而於天德二年罷省絕不載及本紀與石文所記皆
同足徵志之闕漏又案此刻有今重記一語疑天德元
年已有留題故云然也

迂客殘石

謹案此刻存惟那

下年

冬迂客過趙之石橋十一字前

列宋大觀三年王革迂客題名與此義同皆迂兩國交
聘使也

馮柏等題名

謹案此題名三行行字不等字尙完共題北韓村馮柏
馮二翁郝小夫等眾人口樂施此石住一條兼載至橋
各家永智移都三十字當是修橋時村氓施助之記住

乃柱字之誤又案以上二刻年月皆不可考以與前李德固題名同列一柱以類附之

柏林院三千邑眾碑

沃州柏林院三千邑眾碑記釋行滿撰孫珪正書大定七年九月在柏林寺山門外迤西

金石分域編

釋行滿撰孫珪正書大定七年九月直隸趙州

寰宇訪碑錄

考此立於金世宗七年歲次丁亥共三十六行字長八分

寬六分額字長二寸寬二寸五分

趙州石刻錄

謹案一統志表金天德三年改趙州爲沃州此碑立於

大定七年故從新稱又案元重建柏林院碑載柏林在

宋爲永安院卽趙州古佛住持之觀音院釋普濟五燈

會元載趙州從諗和尚答僧問有庭前柏樹子語後遂

相傳爲柏樹子禪疑柏林道場因此得名也又案此碑爲鄆邑孫珪書地理志今釋無鄆邑之名元人改通州爲鄆州金未有此稱年代旣殊偏旁又異不可牽合

碑陰三千邑眾題名

正書

金石分域編

碑陰題名凡三十五排末寺僧題名一排

趙州石刻錄

張震等題名

在橋北洞南壁大定丙午係金世宗二十六年卽宋孝宗

淳熙十三年

趙州石刻錄

謹案此刻中山楊口廣平張震大定丙午歲寓居浚川暇日全來二十一字浚川卽太平寰宇記引水經誤作汶水者據此可證寰宇記之誤

重建永通橋碑

趙州城西門外平棘縣境有永通橋俗謂之小石橋方之南橋差小而石工之制華麗尤精清浚二水合流橋下此則金明昌間趙人哀錢而建也建橋碑文中憲大夫致仕

王革撰

河朔訪古記

謹案宋大觀三年有王革題名下距明昌八十餘年殆非一人也

永通橋圖石刻

橋左復有小碣刻橋之圖

河朔訪古記

題橋詩石刻

橋左小碣金儒題詠併刻於下

河朔訪古記

高國忠重建橋記

在橋北洞南壁石刻有沃州字乃金人手筆有口安六月
字考章宗有承安年號主永濟有太安年號未知孰是
趙州
石刻
錄

安濟橋下題名趙州
畿輔碑目

謹案此刻懷遠令口行沃州平棘縣令白霄高國忠重
建口紀昔口安口六月望題共存二十四字考金史無
高國忠傳地理志東京路復州爲遼懷遠軍金明昌四
年降爲刺史又鳳翔路德順州有懷遠寨而無所謂懷
遠縣者乃此明明刻作懷遠令其非知軍知寨可知疑
志有闕漏處白霄地名卽大定縣故地在遼屬中京道
在金屬北京路見遼史地理志然白霄之名在遼時已
改爲大定此猶沿其舊稱又案懷遠令爲平棘令帶行

字又與百官志所載散官高於職事者帶行字例不合

烏古論德鄰游石橋記石刻

烏古論德鄰游石橋詩石刻

烏古論德銳游石橋詩石刻

在橋北洞南壁泰和係章宗時歲次乙丑

趙州石刻錄

謹案此以泰和五年刻前爲烏古論德隣游石橋記後刻七絕一首最後烏古論德銳和詩七絕一首考金史烏古論氏爲金朝世戚載入列傳者十有三人而德銳德隣皆無其名烏古論三合傳稱爲曷懶路愛也窟河人後徙眞定當卽其族類也又案國語解姓氏類稱烏古論漢姓曰商次在完顏氏後百官志尙書省吏部詳別氏族封號吾古論列在白號之姓蓋爲金巨族也又

案章宗本紀泰和五年九月天壽節宋高麗夏遣使來
賀與此南來遣使賀誕語正昭合乃交聘表是年詳列
夏及高麗使人獨不載宋使此可證其闕第七行八行
云接伴副使者廼家兒檢院同知稱官而不稱名金百
官志有同知登聞檢院此稱檢院同知蓋卽是官第十
行烏古論德隣列銜口州信都縣令金地理志信都屬
河北東路冀州此州字上泐當是冀字又第十行司吏
董璞從行金百官志諸縣令條下註中縣司吏八人下
縣六人第十一行泰和五年閏月閏下有泐字章宗本
紀有泰和五年閏八月朔則是年閏月爲閏八月也

泰和殘石

在橋北洞北壁泰和係金章宗年號中泰和初口連寫如

係初元歲次辛酉卽宋甯宗嘉泰元年趙州石刻錄

大鈞字殘石

大鈞一石不可考在橋北洞北壁趙州石刻錄

謹案此無年月可稽以與泰和殘字同刻一處茲附其
後

刺史趙溫諤碑

州衙前金刺史趙溫諤碑有碑樓河朔訪古記

趙州畿輔待訪碑目

元

源彥口題石橋詩石刻

在橋北洞北壁中有庚寅春來牧是州字年號不可考趙州

石刻錄